



Broj: 01-04-8-1466/24-6  
Datum: 20.1.2025. godine

Na osnovu člana 69. stav 2. tačka d), člana 70. stav 40. Zakona o javnim nabavkama BiH („Službeni glasnik BiH“, broj 39/14, 59/22 i 50/24), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-1466/24-3 od 17.1.2025. godine, načelnik Općine Travnik, **d o n o s i**

## **R J E Š E N J E**

### **o poništenju postupka nabavke**

- (1) Poništava se postupak nabavke broj 01-04-8-1466/24 za nabavku radova: „Izvođenje radova na sanaciji i rekonstrukciji lokalnih puteva na području općine Travnik“, sa podjelom na 19 lotova, za sljedeće lotove: LOT 1 – MZ Kalibunar i LOT 5 – MZ Bojna iz razloga što ni jedna od primljenih ponuda nije prihvatljiva.
- (2) Za izvršenje ovog Rješenja zadužuje se Služba za infrastrukturne projekte, obnovu, izbjeglice, raseljena lica i stambene poslove.
- (3) Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.

## **O b r a z l o ž e n j e**

Postupak nabavke radova: „Izvođenje radova na sanaciji i rekonstrukciji lokalnih puteva na području općine Travnik“ pokrenut je Rješenjem o pokretanju postupka javne nabavke broj: 01-04-8-1466/24 od 23.12.2024. godine. Javna nabavka provedena je putem otvorenog postupka. Procijenjena vrijednost nabavke bez uračunatog PDV-a za: LOT 1 – MZ Kalibunar iznosi 17.094,00 KM a za LOT 5 – MZ Bojna 8.119,00 KM.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-214-3-228/24 od 23.12.2024. godine i u „Službenom glasniku BiH“ broj 90/24. Rok za dostavljanje ponuda u skladu sa tenderskom dokumentacijom bio je 13.1.2025. godine.

Komisija za javnu nabavku imenovana je Rješenjem broj: 01-30-10-1560/24 od 18.12.2024. godine, te je shodno Članu 63. Zakona o javnim nabavkama BiH pristupila javnom otvaranju ponuda. U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu prema zahtjevima i kriterijima iz tenderske dokumentacije, te je utvrđeno sljedeće:

### **LOT 1:**

- Da je ukupan broj pristiglih ponuda 1 (jedna)
- Da je blagovremeno zaprimljena 1 (jedna) ponuda
- Da nije bilo neblagovremenih ponuda
- Da je ponuda ponuđača „Struktura“ d.o.o. Jajce neprihvatljiva iz razloga što cijena ponude u iznosu od 23.808,50 KM bez PDV-a, prelazi planirana, odnosno osigurana novčana sredstva ugovornog organa za predmetnu nabavku u iznosu od 17.094,00 KM te neće biti predmet dalje analize i ocjene.

### **LOT 5:**

- Da je ukupan broj pristiglih ponuda 1 (jedna)
- Da je blagovremeno zaprimljena 1 (jedna) ponuda
- Da nije bilo neblagovremenih ponuda
- Da je ponuda ponuđača „Struktura“ d.o.o. Jajce neprihvatljiva iz razloga što cijena ponude u iznosu od 9.552,00 KM bez PDV-a, prelazi planirana, odnosno osigurana novčana sredstva

ugovornog organa u iznosu od 8.119,00 KM za predmetnu nabavku te neće biti predmet dalje analize i ocjene.

**Obrazloženje:** Član 2. stav (1) tačka I. alineja 2. Zakona o javnim nabavkama propisuje da se neprihvatljivom ponudom smatra i ponuda čija vrijednost prelazi procjenjenu vrijednost ugovornog organa ili vrijednost obezbijedenih sredstava prije početka postupka javne nabavke, a vezano za ocjenu neprihvatljivosti ponude zbog vrijednosti koja je veća od procjenjene vrijednosti javne nabavke. U otvorenom postupku javne nabavke, neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

Iz gore navedenih razloga, primjenjujući član 2. stav (1) tačka 1. alineja 2. a u vezi sa članom 69. stav (2) tačka e) Zakona, ponude za gore navedene lotove jednoglasnom odlukom Komisije se odbacuju kao neprihvatljive.

Komisija za nabavke Općine Travnik dostavila je dana 17.1.2025. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije sa preporukom o poništenju postupka nabavke za lot 1 i 5 u kojem je konstatovano da za predmetnu nabavku, odnosno predmetne lotove nije pristigla nijedna prihvatljiva ponuda.

U postupku ocjene provednog postupka, načelnik Općine nije našao razloge, nepravilnosti niti propuste u radu, koji bi bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka data u skladu sa Zakonom, podzakonskim i internim aktima.

Iz navedenih razloga, primjenom člana 69. stav (2) tačka d) Zakona o javnim nabavkama BiH, odlučeno kao u dispozitivu ovog Rješenja.

#### **POUKA O PRAVNOM LIJEKU:**

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur.

#### **DOSTAVITI:**

1. Internet stranica UO
2. Arhiva

